

huruhuru o Wi Pere raua ko Hone Heke me te Kawana i te tau 1897.

3. Hurahia nga whakautu a nga tohunga a te Kingi mo te Pitihana i haria e W. Ratana i raro i te Tiriti o Waitangi i te tau 1924.
4. Hurahia nga kupu mihi, whakapumau, a nga rangatira o nga Motu e rua, ki te Tiuka o loka. I toroa atu ki a ia i raro i nga ringa o nga upoko tohunga o nga iwi o nga Motu e rua i Rotorua 1901 ara o Timi Kara, Wi Pere, Hone Heke, Tame Parata, Taiaroa.
5. Hurahia nga whakamarama a te Mema o te Tai Rahiti, kei te mau i te Toa Takitini 1927. Kei kona nga whakamarama hohonu. I rite hoki aua whakamarama ki te mihini e huri ana, tena i taana waahi, tena i taana mahi. Ka mutu mai tatou i te whakahua mihini. Ehara hoki i te mea, ma te whakahua Tiriti noa ake, ka tika ai tatou; engari ma te mahi tika, i runga i nga take, me nga kupu rangatira o to tatou reo.
6. Hurahia nga kupu whakautu mo te Pitihana a te Kaka-kura, mo Whitireia Whenua Kura.
7. Hurahia nga korero o te Keehi a te Arawa, ki te Karauna, mo nga moana i Rotorua.
8. Hurahia nga korero o te keehi a Nireaha Tamaki mo te Karauna, me te whakatau a nga tohunga o te Kingi, i pa atu ki te Tiriti o Waitangi mo taua keehi, me era atu keehi.

Ki te whakawhaititia enei korero ki tetahi pukapuka, tena pea e memeha atu nga kapua o tenei mate, a ka toe iho ki tai o te kuia, o te koroua, te kiriimi o taana waiu, hei manawa mo nga mokopuna.

Kua whakahuatia i runga ake he mate whakapupuhi-puku no nga tangata matau —te pirau o te Tiriti o Waitangi. He tino ope nui tonu kei tenei kaupapa korero reka ki te taringa

TIMI KARA. E tika ana kia kila e tatou ko te Poropiti tenei tangata o te Ao, i whakamemeha ai nga tikanga o nga iwi e rua i te tau o te Tiriti o Waitangi 1840 taea noatia tenei reo. He ki tenei ma tatou, me o tatou iwi; mei kana tenei tangata e whanau, kua pirau ke te Tiriti o Waitangi me nga tikanga Maori. Kua rite tatou ki te hunga e tuku Kahiri nei hei whakataka i a ratou ki raro i nga tikanga pakeha, me o ratou whenua. Kei te mau i te pakeha te whakamui mo tenei tangata mo te nui o te matauranga i puta ki a ia, i ora ai te Tiriti, i kore ai e kotahi he Ture mo te Pakeha mo te Maori.

E te whanau! e kau ki uta, kei papaku ana te kauanga. "Tatou. Tatau."

Ihaia Hutana

Waipawa